

Lo senher que formet lo tro

BEdT 323,022

Mss.: E 52 = Peire d'Alvernhe.

Metrica: a8 b8 b8 a8 c8' c8' d8 d8 (Frank 577:232). *Kreuzlied* di 7 *coblas unissonans* di 8 versi, seguite da 2 *tornadas* da 4 versi.

Edizione: Pulsoni 1994, p. 82.

- letto 1157 volte

Edizioni

- letto 992 volte

Pulsoni

I.
Lo senher que formet lo tro
e tot quan terr'e mar perpren
evenc pel nostre salvamen
recebre mort e passio
e<n> quan vit que sa gen perdia.
En resors de mort al ters dia
et en enfern n'anet dece
per nos salvar, vera merce.

II.
Aisi com nos det guerizo
e·n liuret son cors a turmen,
nos quer qu'el dezeratamen
que·ill faun Sarrazi felo
lo seguam tug la dreita via,
que la votz del cel nos escria:
"Sortz, e mort venetz a merce!"
e no la vol qui no m'en cre.

III.

Totz nos apela a razo,
quar son aspre li faillimen,
e pot nos sorzer veramen
sel que per·l rei Farao.
Seguam lo com ditz l clersia
e poira·l dir senes fadia
qui morra: "Tu morist per me,
vers Dieus, et ieu soi mortz per te".

IV.

E qui viura, ses faillizo,
er cazatz d'onrat pretz valen,
et er salvatz plus salvamen
que Ionas qu'eisit del peiso,
qu'era peritz pel tort c'avia
al Senhor. Laisem la folia,
e seguam Dieu que val qui·l cre,

V.

Al rei Felip et a·n Oto
et al rei Ioan eisamen,
laus que fasson acordamen
entr'els e segon lo perdo,
e servon a Sancta Maria,
don sos fils pert la senhoria
de Suria, del comte de
Sur tro al regne d'Egipte.

VI.

Las poestatz e·l ric baro
e·ill pros cavalier e·ill sirven,
- et auri'obs l'afortimen -
anem tug que Dieus nos somo,
quar si negus hi remania,
enferns er a sa companhia;
cel que Dieu laisa, en enfern te,
e·n enfern aura la merce.

VII.

Hueimais parran li ric e·ill pro
e·ls coratios ab ardimen
al be ferir de mantenem;
aras parran li adreg e i·ll pro,
qu·el<s> bos armatz somo e tria
nostre Senher, cui non oblia,
e laisa·<ls> malvatz d'avol fe,
e·ls pros vol menar a merce.

VIII.

Lo chans tenra <en> ves Suria
e·<l> crotz on Dieus nos rezemia
e·l saint sepulcre e·l loc on <t>e

a cobrar qui volra merce.

IX.

Profeta, vai e te ta via
vas Magna, on pretz novs desvia,
al senhor qui lo guard'e-l te
plus que no faun Iuzieu lur fe.

- letto 725 volte

Tradizione Manoscritta

- letto 887 volte

Canzoniere E

- letto 547 volte

Riproduzione Fotografica

- letto 605 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/lo-senher-que-formet-lo-tro>